

太湖備考卷十

東山金友理纂述

弟友瓚校

集詩一

陸當湖先生靈壽縣藝文志論曰上自廊廟得失
下至閭閻疾苦無所不錄惟歎老嗟貧嘲風弄月
之辭則無取焉近吳江新志集詩例亦曰取其於
地與事與人無傳會有闡發者錄之與古人詩史
義相近非專取其詞之工今所集宗此二說

太湖春漲

明馮善

震澤春深漲碧漪，淨涵天影漾玻璃。
遙增越嶠千年潤，頓減吳山幾尺低。
紅泛落花通別浦，綠含芳草浸長隄。
釣舟昨夜歸來晚，沒却漁磯路亦迷。

歸省過太湖

王鏊

十年塵土面一洗，向清流山與人相見。
天將水共浮落霞，漁浦晚斜日橘林秋。
信美仍吾土，如何不少留。

過太湖

吳橋

青山船頭來，漸覺家鄉近。
况茲清夜風正滿，帆中聽酌酒坐中流。
高天月如鏡，此際不放歌何處。
復乘興

太湖送別

王達

吳越當年曾樹怨，百萬旌旗此中戰。波濤聞與血同流，
千古濤聲今尚愁。朝來送客過湖口，煙水微茫風滿舟。
湖南湖北今同宇，吳越英雄在何許。孤帆杳杳獨山雲，
落葉蕭蕭洞庭雨。一聲長笛又分攜，君往湖東我向西。
感慨贈君無限意，楓林寒隔暝猿啼。

太湖秋行

孔聞徵

太湖煙景由來奇，况復澄渚秋漾之。長空一色碧萬頃，
風迴水面寒玻璃。玻璃蕩瑤青山濕，七十二峰涵白日。
凌空倒影絕纖埃，網上銀魚跳一尺。鱸肥蓴脆招季鷹，
西風短棹從逃名。汀蘆渚蓼紫曲嶼漁父傳，橈星斗橫。

醉歌深處夜月小玉鏡團圓光自好不羨蘇公赤壁遊
世紛都入滄浪了我亦扁舟時泛陂吟懷秋思追天隨
孤清獨鬪橫江鶴聽罷采蓮飛釣絲船頭故舊多閒鷗
四顧文華總是秋功名夢斷具區水載月歸舟詩滿釣
妻帑那解散人意筆牀茶竈輕行具呼童收拾檢點明
百年此足聊其生

湖中二首

本朝
汪琬

湖光似鏡映斜暉紫蓼黃蘆拂釣磯寄語羣鷗須識我
莫隨花鴨背船飛

西山景物近如何放取輕舟一葉過乍覺霜風寒割面

白魚黃雀繞灣多

菱湖秋

朱鳳章

清漢凌霜颺菱葉
資新漲五湖東一角
茲名昔所尚莫
釐屏天南酒城適
左傍溟茫萬頃間
變幻發奇狀畸人
固好游放舟歷淵
曠少皞傳秋清日
月同摩盪曳夢蘋
香幽隔浦聞漁唱
西風起無端銀海
生高浪天吳與波
遊咫尺疑相抗白
日忽云匿明宇作
煙障行吟澤畔人
覽此增悲壯昨爲
鏡中游轉盼開奇
宕五雲沒何處指
顧不可望百靈隨
濁流湘君亦悽愴
吾生值風波形骸
迷骭麟嵐間西皇
至降澤盈漭魚鳥
樂煙蕪游翔愜

下上載讀秋水篇浩然得深養

菱湖

吳莊

浪打菱湖拍岸過桑田幾許委洪波只今種水愁無地
誰唱吳宮競採歌

胥湖

前人

姑胥山外是胥湖恰值鴟夷葬大夫千古詞人憑弔處
湖山人事兩模糊

游湖

前人

水嬉張處六龍翔想見西施舞袖揚香艷消磨朝市改
樂游一曲不滄桑

七十二峰歌

明 吳時德

太湖大類吾心胸中有魂魄同諸峰澆之洪濤三萬六
千頃難平七十二朶青芙蓉東西洞庭與馬蹟鼎立分
疆自開闢其餘瑣屑安足論却似兒孫仰朝夕紫綠萬
狀目豈窮六時變幻煙雲中松雪叟守溪翁為圖為賦
徒爭雄翻思欲得秦王鞭驅出海外毋遷延清波從此
平如掌獨駕扁舟坐天上歌滄浪於白鶴倘遇山靈笑
無學即浮大白乘興酣吐出胸中之五嶽

望洞庭兩峰

葉燮

翠微天畔插晴空兩兩遙嵐鎖紫官那得主人堪對買

好令賦手並爭雄
霏霏雲起天教合
寂寂螺分月在中
便欲與君乘浪去
幾回收拾舊詩筒

客有問洞庭之勝者走筆示之
湯 悌

金碧芙蓉映太湖
相傳奇勝甲東吳
漁家處處舟為業
農事年年橘代租
流水平堤橫畧約
林深古寺出浮屠
一從皮陸題詩後
多被人間作畫圖

莫釐峰

葛一龍

莫釐峰高幾許白
日溟濛散煙雨
襟領崔嵬七十二
何異桓文莅邾莒
振衣獨立春風生
春風揭地波濤傾
將軍戰骨化為土
湖上青山空殉名

登莫釐峰絕頂

本朝 張鵬翀

昨朝始作東山客已覺莫釐如舊識憑闌指點最高峰
晴翠挂空疑可摘朝來拄杖到山前路近却驚峰轉失
松陰欲盡翠浮浮仰睇晴巒尚千尺有無煙靄接三州
遠近天光連一碧絕頂疑通虎豹關中流隱見魚鼈國
道微將軍始封號上溯胥母久開闢撫今懷古興方深
白日已下前山脊丹旂黯澹法海寺翠旌明滅龍女宅
金庭玉柱羅羣仙撲面煙濤恍如隔興酣乘月更徘徊
長倚天風卧吹笛

登莫釐峰二首

查慎行

青天七十二芙蓉個是芙蓉第一峰吳越有山多作案
東南無水不朝宗盪空日氣消飛蜃拔地風聲穩卧龍
曾記岳陽樓畔望肯教雲夢芥吾胸

百層風磴盤旋上大似隼鷹乍解綵放眼不知何處盡
置身直覺此峰高沈沈海浦黃雲岼點點吳帆白鷺濤
未免傍人嗤好事重陽已過興仍豪

自注時重陽後一日

吟風岡

明吳時德

縱目凌千仞山寒落日西詩亡懷雅頌巖老慨夷齊古
渡波濤迥荒村草木迷莫云衣未振高卧白雲低

飯石峰

孔貞明

誰將白石煮化作仙人飯餘餐棄峰頭粒粒皆璀璨不
資枵腹需永發搜奇歎我思黃梁夢桑海幾經換廼今
峰頭煙猶疑自成爨

登縹緲峰

本朝
顧超

咫尺何難問玉京參差星殿樂齊鳴洞虛日月窺巴蜀
地拔荆蠻上太清四皓有踪誰繼躅五湖無定亂呼名
峰頭鸞鶴紛堪踣自愧銀筯學未成

縹緲峰

葉有馨

君不見具區連峰龍虎蹲縹緲視之皆兒孫半里漫漫
泄雲氣黃雲湧起白雲屯絕頂孤圓無草樹俯挹北斗

窺天門天門不即開眺望嗟無已楚山越山數點煙九
州盡在空濛裏低頭近看太湖水晶眸浮光五百里青
山倒掛碎天璣漁帆欹側走翠微日出日落紛照耀紅
霞萬道無定暉大風吹月度五湖魚龍戲舞山鬼呼雲
中車蓋來咫尺舉觴酬之問疇昔悲帝子思重華焉知
此山有巴陵之地脈

登縹緲峰絕頂

張鵬翀

東山如橢圭西峰若圓璧不登縹緲巔詎信仙靈宅朝
凌東湖渡暮宿雞籠磧遠從香閣望削翠疑可摘入林
就簞輿抵麓振松策蒼龍忽露爪翠鳳乍舒翮時次讀

側徑進寸退反尺攬身仗孤筇回首笑二客俄聞濤撼
耳漸覺風生腋賈勇獲先登窮幽恣揮斥三州抉眼瞥
萬頃盪胸臆地脈或潛通天關恍初闢北瞻眇吳苑南
顧隘楚澤百瀆洩尾閭千峰蟠馬蹟長煙浮空青落日
浴波赤下視翠微人離離如點墨解衣漱雲泉欲去未
忍釋夫椒古戰場千載一瞬刻劉根偶不死至今號仙
伯疇似此靈山幽棲永朝夕域中脫桎械天外生羽翼
便擬乘罡風逍遙弄雲碧

包山遠眺

沈德潛

一身縹緲巔孤筇此凌厲魚龍氣上騰鳥雀飛難戾顧

野流遠目水接長天勢林巒互出沒雲霞散明麗天風
颯然來煙濤卷無際何處辨三州茫茫見陰翳泛舟經
遐舉銀房想委蛻古人不可招仙踪杳難繼動我白雲
懷行從鳳高逝

洞庭西山紀遊

凌如煥

縹緲峰頭橫竹杖石公巖畔泛仙槎寒香一片迷銀海
水抱青山山抱花

水抱青山山抱花花光深處有人家桑麻鬱鬱紛雞犬
惹得漁郎問路賒

漁郎問路躡雲根折簡還逢倒屣人不信山居少塵事

行厨嘉旨足留賓

自注時有蔡子乾若遣人送酒

留賓信宿酒盈觴老去逢春未減狂跌宕筇輿三十里
飽收山色入詩囊

詩囊風土紀新篇果熟山家樂有年霜橘雲橫紅似火
枇杷實落大如拳

如拳珍品航湖去春玉香粳滿載還妬煞村農事胼胝
山中老圃日閑閑

閑閑鷗鷺散春叢銷夏灣頭轉蕙風最是采蓮人不見
斜陽芳草冷吳宮

吳宮舊事不須論剩有雲山振古新倘許誅茆向林屋

桃源更訪洞中春

自注游至林屋時日將暮不及入洞而返

鴻鶴山

明 蔡昇

孤山東頭望山趾
冥鴻垂尾太湖水
孤山西面望山顛
老鶴昂頭湖水邊
暮天蒼茫午雲薄
彷彿見鴻還見鶴
因思紫塞青田種
安得巉巖并磊落
長年在地不飛翔
奚畏恢恢天網張
勸君慎勿施弓弩
曾笑隴西將軍錯
射虎

繰車山

本朝 葉松

我過包山麓
常聞織女歎桑貴
蠶無食機杼今年難
豈知東鄰桑陰淺
昔年恒苦地不寬
又見西鄰伐桑樹
惟

有種菊及牡丹花草艸覓微利行歌本務供遊盤但
今天下縲車廢三軍挾纊猶增寒

石公山

潘耒

平岡連緜來一峰斗入水蒼龍下飲湖鬚鬚垂
角起遙觀既聳傑近睇仍怪偉一罅劃中開羣峭紛上指梯空
勢將墮閣險力不倚泠泠扣星魄落落捫珠蘂瘦無沙
點黏潤有波紋洗霜骨六月寒苔花千歲紫世人賞佳
名名奇無過此天然列仙玩削成瑤池裏區區寶一拳
郵哉牛與李

前題

汪琬